

四庫全書

史部

欽定四庫全書

史部

欽定續文獻通考卷一百

七十九至  
八十二

給事中<sub>臣</sub>劉芬覆勘

總校官內閣中書<sub>臣</sub>孫溶

欽定四庫全書

欽定續文獻通考卷一百七十九

經籍考

子小說家上

臣等謹案馬端臨通考承班氏例立小說一門其  
言曰閭里小智之所及亦使綴而不忘如或一言  
可采此亦芻蕘狂夫之義也信哉斯言弗可易已  
今從四庫全書例析為雜事異聞瑣說三者而統

名之曰小說家凡二卷自餘剽竊他書別標名目者汰而弗錄以避複沓焉

宋史藝文志小說家三百五十九部一千八百八十六

卷

遼金元三史不立藝文志散見各紀傳中

明史藝文志小說家一百二十七部三千三百七卷

宋

田況儒林公議二卷

況字元均其先京兆人徙居信都舉進士又舉賢良方正累官樞密使以觀文殿學士提舉景靈宮卒

臣等謹案是篇記太祖建隆以迄仁宗慶厯朝廷政事及士大夫行履得失甚詳五代十國時事亦間附焉

錢氏私志一卷

臣等謹案是書舊本或題錢彥遠撰或題錢恂撰或題錢世昭撰據書末世昭跋則是書固非彥遠

所為亦非盡恤所纂蓋恤當記所聞見而世昭叙而集之耳

莫君陳月河所聞集一卷

君陳字和中歸安人嘉祐進士嘗以權刑部郎中知婺州

孔氏談苑四卷

舊題孔平仲撰平仲字毅父一作義甫清江人治平進士官至金部郎中提點永興路刑獄帥鄜延環慶

再坐黨論奉祠卒事迹具宋史本傳

臣等謹案是書多錄當時瑣事而頗病叢雜趙與  
峕疑為不知典故者所為必非孔氏真本

王鞏甲申雜記一卷

鞏字定國自號清虛先生莘縣人工部尚書素之子  
官至宗正丞

趙令時侯鯖錄八卷

令時字德麟燕王德昭元孫元祐中簽書潁州公事

坐與蘇軾交通罰金入黨籍紹興初襲封安定郡王  
高晦叟珍席放談二卷

晦叟仕履無攷

曾慥高齋漫錄一卷

慥字端伯晉江人孝寬曾孫官至尚書郎直寶文閣  
王銍默記三卷

銍字性之汝陰人紹興初為樞密院編修官

王明清玉照新志六卷



明清字仲言汝陰人官朝請大夫

張知甫張氏可書一卷

知甫仕履無攷

周煇清波雜志十二卷別志二卷

煇字昭禮邦彥之子

莊綽雞肋編

無卷數

綽字季裕清源人

龔明之中吳紀聞六卷

明之字希仲號五休居士崑山人紹興間以鄉貢廷試授高州文學淳熙初舉經明行修授宣教郎致仕施德操北憲炙輠錄一卷

德操見經類

范公偁過庭錄一卷

公偁仲淹之元孫仕履無攷

陳長方步里客談二卷

長方字齊之侯官人紹興進士官江陰縣學教授

曾敏行獨醒雜志十卷

敏行字達臣自號獨醒居士吉水人年甫二十以病廢不能仕進遂專意學問積所聞見成此書其子三聘編為十卷有楊萬里序并謝諤跋

陳鵠耆舊續聞十卷

鵠南陽人始末無攷

葉紹翁四朝聞見錄五卷

紹翁字靜逸龍泉人

臣等謹案是編載高孝光寧四朝軼事足補史傳之闕

周密癸辛雜識前集一卷後集一卷續集二卷別集二卷

密見史類

趙潛養疴漫筆一卷

潛字元晉號冰壺葵之子也咸淳中知建寧府

俞文豹清夜錄一卷

文豹見雜家類

王應龍翠屏筆談一卷

應龍里貫無攷

陳世崇隨隱漫錄五卷

世崇號隨隱臨川人理宗時嘗以布衣官東宮掌書

楓窓小牘二卷

不著撰人名氏

南窓紀談一卷

不著撰人名氏

朝野遺紀一卷

不著撰人名氏

三朝野史一卷

不著撰人名氏

臣等謹案是書記理度端三朝之事

元

劉祁歸潛志十四卷

祁字京叔渾源人御史從益之子太學生舉進士不  
第元兵入汴遁還鄉里戊戌復出就試魁南京選充  
山西東路考試官後征南行省辟寘幕府

臣等謹案是書載金源遺事與史不同者甚多足  
資考證

陸友仁吳中舊事一卷

友仁字輔之吳郡人

蔣子正山房隨筆一卷

子正嘗為漂陽學官里貫無攷

楊瑞山居新詒四卷

瑞字元誠杭州人官至中奉大夫浙東道宣慰使都元帥

鄭元祐遂昌雜錄四卷

元祐字明德至正丁酉除平江路儒學教授移疾去後七年復擢江浙儒學提舉卒於官

臣等謹案元祐之先本遂昌人其父希遠徙錢塘



元祐又流寓平江其集以僑吳名而是錄仍題曰  
遂昌不忘本也

孔齊至正直記四卷

齊字行素號靜齋曲阜人其父退之為建康書掾因  
家溧陽元末又避兵居四明仕履無攷

熊太古冀越集紀二卷

太古豐城人朋來之子登進士官至江西行省郎中  
至正末天下盜起太古力陳守禦計當事者不能從

遂棄官去入明後不仕而終

明

陶宗儀輟耕錄三十卷

宗儀見經類

臣等謹案是書載元時朝野舊事頗有裨於史學

農田餘話二卷

題明長谷真逸撰不著名氏

臣等謹案是書所紀多元末及張士誠竊據時事

孫道易東園客談一卷

道易字景周自號映雪老人華亭人

葉盛水東日記三十八卷

盛見史類

臣等謹案是書記明代制度文章及一時遺文逸事多可與史傳相參

彭時可齋雜記一卷

時字純道安福人正統戊辰進士第一官至文淵閣

大學士謚文憲

張寧方洲雜言一卷

寧字靖之方洲其號也海鹽人景泰進士官至給事中

尹直寒齋瑣綴錄八卷

直見史類

黃瑜雙槐歲抄十卷

瑜字廷美香山人景泰舉人長樂縣知縣有惠政以

勁直去官自稱雙槐老人

沈周石田雜記一卷

周字啓南長洲人以繪事名一時郡守欲以賢良薦周竝得遜之九五遂決意不出年八十三而卒事迹具明史隱逸傳

陸容菽園雜記十五卷

容字文量號式齋太倉州人成化進士官至浙江右參政

王瓊雙溪雜記二卷

瓊見史類

宋端儀立齋閒錄四卷

端儀見史類

王錡寓圃雜記十卷

錡字元禹別號夢蘇道人長洲人

臣等謹案是書載洪武迄正統間朝野事蹟於吳

中故實尤詳

許浩復齋日記二卷

浩見史類

祝允明野記四卷 前聞記一卷

允明見史類

皇甫錄明記略四卷 近峯問略八卷 下碑紀談二

卷

錄字世庸號近峯長洲人弘治進士官至順慶府知

府

欽定四庫全書

欽定續文獻通考  
卷一百七十九

七

羅鳳延休堂漫錄三十六卷

鳳字子文號印岡應天人弘治進士官至石阡府知府

剪勝野聞一卷

不著撰人名氏

臣等謹案是書所記皆明太祖初年之事陶琰續說郭黃虞稷千頃堂書目皆題徐禎卿著然明史禎卿本傳及藝文志俱不載書中所紀往往不經



疑未必出禎卿手也

陸深玉堂漫筆三卷

金臺紀聞二卷

春風堂隨筆

一卷

知命錄一卷

谿山餘話一卷

願豐堂漫書

一卷

深見史類

韓邦奇見聞攷隨錄

無卷數

邦奇見經類

董穀碧里雜存一卷

穀見史類

伍餘福平野纂聞一卷

餘福見史類

陸鈇賢識錄一卷

病逸漫記

無卷數

鈇見史類

李默孤樹裛談十卷

默見史類

耿定向先賢遺風二卷

定向見史類

臣等謹案是書定向所撰而毛在增補之在自署  
太倉人始末無攷

王世貞觚不觚錄一卷

世貞見史類

何良俊何氏語林三十卷

良俊見雜家類

沈津史隱錄二卷

津見史類

余水麟北窓瑣語

無卷數

永麟鄞縣人嘉靖舉人官蘇州府通判

楊儀螭頭密語一卷

儀字夢羽常熟人嘉靖進士官至山東按察司副使

備兵霸州

高拱病榻遺言二卷

拱見經類

凌迪知名世類苑四十六卷

迪知見史類

方學漸通訓二十卷

學漸見史類

宋雷西吳里語四卷

雷自號市隱居士湖州人

國朝典故輯遺二十卷

不著撰人名氏

臣等謹案是書雜記洪武至正德十朝事前有自序作於嘉靖三十二年自稱東吳逸史

王穉登吳社編一卷

穉登字百穀長洲人太學生

連鑲筆記一卷

鑲字抑武常熟人嘉靖中官安陸縣知縣

世說新語補四卷

舊題何良俊撰補王世貞刪定

姜兆熊樊川叢話八卷

兆熊字恂如歸安人

將以化西臺漫記六卷

以化字仲學常熟人隆慶舉人官至監察御史

李樂見聞雜記四卷

樂字彥和號臨川歸安人隆慶進士官至福建按察

司僉事

臣等謹案是書前二卷乃全錄董氏古今粹言及

鄭曉今言後二卷則自記所見聞凡一百八十六條云

潘士藻闇然堂類纂六卷

士藻見經類

丁元薦西山日記二卷

元薦字長孺長興人萬厯進士官至尚寶司少卿

焦竑玉堂叢語八卷

竑見經類



錢養廉貽清堂日鈔

無卷數

養廉字國維仁和入萬厯進士官至吏部考功司郎中

李本固汝南遺事二卷

本固字叔茂汝寧人萬厯進士官至大理寺卿以言事罷歸郡守黃鄰初屬修汝南志其削草未經收錄者復輯為是書

顧起元客座贅語十卷

起元見經類

王象晉剪桐載筆一卷

象晉見雜家類

楊德周金華雜識四卷

德周字齊莊鄞縣人萬厯舉人官高唐縣知縣

魏濬嶠南瑣記二卷

濬見史類

徐家梅娜嬛史唾十六卷

象梅見史類

談修避暑漫筆二卷

修見史類

李紹文明世說新語八卷

紹文字節之華亭人

管窺小識四卷

不著撰人名氏

臣等謹案是書中世宗崇尚青詞一條云少年至

都猶及見之又稱張居正以橫肆敗其人當是萬  
厯間人而生於嘉靖時者也

陳繼儒見聞錄八卷 太平清話四卷

繼儒見史類

茅元儀西峯淡話四卷

元儀見史類

鄭仲夔蘭畹居清言十卷

仲夔字龍如江西人

明遺事三卷

不著撰人名氏

釋靜福癸未夏抄四卷

靜福錢塘人

以上雜事

欽定續文獻通考卷一百七十九

欽定四庫全書

欽定續文獻通考卷一百八十

經籍考

子小說家下

宋

分門古今類事二十卷

不著撰人名氏

臣等謹案是書第八卷中有龍泉夢記一篇題曰

先大夫龍泉夢記為政和七年宋如璋作則作是  
書者即如璋之子也名字無攷

五色線二卷

不著編輯者名氏

馬純陶朱新錄一卷

純字子約自號撲檄翁單州城武人紹興中為江西  
漕帥隆興初以大中大夫致仕

黃輔峽山神異記一卷



輔嘗為瀧水縣令里籍無攷

魯應龍閔窓括異志一卷

應龍字子謙海鹽人宋末布衣

金

元好問續夷堅志二卷

好問字裕之號遺山太原人興定進士官至左司郎

中金亡不仕事迹具金史文藝傳

元

異聞總錄四卷

不著撰人名氏

明

趙弼效顰集三卷

弼見史類

都穆談纂二卷

穆見史類

陸氏虞初志八卷

不著其名

祝允明志怪錄五卷

允明見史類

侯甸西樵野記四卷

甸蘇州人

陳良謨見聞記訓一卷

良謨字中夫安吉人正德進士官至貴州布政使司

參政

耳抄秘錄一卷

不著撰人名氏

楊儀高坡異纂二卷

儀見本類

陸采冶城客論二卷

采字子元長洲人采之弟

馮汝弼祐山雜說一卷

汝弼字惟良平湖人嘉靖進士官工科給事中以言

事謫潛山縣丞還知太倉州調揚州府同知不赴隆慶中追贈布政司參政

施顯卿古今奇聞類記十卷

顯卿字純甫無錫人嘉靖舉人官新昌縣知縣

王世懋二酉委談一卷

世懋見史類

燃犀集四卷

不著撰人名氏自稱茂苑樹瓠子前有嘉靖辛酉序

朱睦㮮異林十六卷

睦㮮見經類

馮夢禎映雪堂漫錄一卷

夢禎見史類

虞淳熙孝經集靈一卷

淳熙字長孺錢塘人萬歷進士官至吏部稽勲司郎中

臣等謹案朱彞尊經義攷載淳熙有孝經適言九

卷今文孝經說一卷今皆未見是編專輯孝經靈異之事如赤虹化玉之類於經義毫無發明未可附於經解今退列小說從四庫全書例也

蔡善繼前定錄二卷

善繼字伯達烏程人萬歷進士官至福建左布政使洪應明仙佛奇蹤四卷

應明字自誠號還初道人里貫無攷

錢希言獐園十六卷

希言見雜家類

鄭仲夔耳新十卷

仲夔見本類

王兆雲王氏雜記十四卷

兆雲見史類

徐昌祚燕山叢錄二十二卷

昌祚字伯昌常熟人

臣等謹案是編多載京畿之事故以燕山為名



江東偉芙蓉鏡益浪言四卷

東偉字青來自號壺公開化人萬曆舉人

沈德符敝帚軒刺語三卷補遺一卷

德符見史類

王同軌耳談十五卷

同軌字行父黃岡人由貢生官江寧縣知縣

姚宣聞見錄一卷

宣字懋昭應天人

汪雲程逸史搜奇

無卷數

雲程徽州人

聞性道四明龍薈一卷

性道見史類

臣等謹案是書專載四明諸井潭龍神見伏靈蹟

梅鼎祚才鬼記十六卷

鼎祚字禹金宣城人

以上異聞

宋

邱濬牡丹榮辱志一卷

濬字道源黟縣人天聖進士官至殿中丞

李石續博物志十卷

石見經類

臣等謹案是書舊題晉李石撰然書中稱曾公亮得龍之脊王安石得龍之睛又陳正敏遜齋閒覽曾慥集仙傳均宋時書其為南宋時之李石明甚

其誤以為晉人者當由未攷原書故也

陳日華談諧一卷

日華孝宗時人

沈俶諧史一卷

俶始末無攷

周守忠古今諺一卷

守忠見雜家類

張致和笑苑千金一卷

致和南宋時人

滑稽小傳二卷

不著撰人名氏

醉翁滑稽風月笑談一卷

不著撰人名氏

元

鄭持正文章善戲一卷

持正始末無攷

宋元懷拊掌錄一卷

元懷延祐時人

古杭雜記詩集四卷

不著撰人名氏據目錄末題識蓋元時江西書賈所刊也

臣等謹案陶宗儀說郛內亦載有是書題元李東有撰然與此本參較僅首二條相同餘皆互異謹附識

玉堂詩話一卷

不著撰人名氏

明

牛衷埤雅廣要二十卷

衷官蜀府護衛千戶里貫無攷

支立十處士傳一卷

立字中夫嘉興人天順中官翰林院孔目

黃暉蓬窓類記五卷

暉字日昇號東樓吳縣人弘治進士官至刑部郎中  
游潛博物志補二卷

潛字用之豐城人弘治舉人官雲南賓州知州

黃謙古今文房登庸錄一卷

謙江寧人始末無攷

陸奎章香奩四友傳二卷

奎章字子翰武進人

陳中州居學餘情三卷



中州字洛夫青田人由貢生官廬江教諭

楊慎古今諺二卷 古今風謠二卷

慎見經類

舒纓梨洲野乘

無卷數

纓字振伯餘姚人嘉靖進士官王府長史

郭子章六語三十卷

子章見經類

陳禹謨廣滑稽三十六卷

禹謨見經類

朱維藩諧史集四卷

維藩淮安人據自序稱題於豫章官署不詳何官

陳世寶古今寓言十二卷

世寶字介錫鉅鹿人萬厯中官監察御史巡按江西

陳邦俊廣諧史十卷

邦俊字良卿秀水人

吳從先小憲自紀四卷艷紀十四卷清紀五卷別紀四

卷

從先爵里無攷

梅鼎祚青泥蓮花記十三卷

鼎祚見本類

以上瑣語

欽定續文獻通考卷一百八十

欽定四庫全書

欽定續文獻通考卷一百八十一

經籍考

子 農家 譜錄

臣等謹案漢班固謂農家者流蓋出於農稷之官  
播百穀勸耕桑以足衣食逮乎唐志著錄取類斯  
雜馬端臨已議其非今祇擇其應列於農家者按  
時代輯入而別增譜錄一門次於後焉

宋史藝文志農家類一百七部四百三十三卷

遼金元三史不立藝文志散見各紀傳中

明史藝文志農家類二十三部一百九十一卷

元

農桑輯要七卷

元世祖時官撰頒行本

臣等謹案是書前有至元十年翰林學士王磐序

稱詔立大司農司不治他事專以勸課農桑為務

行之五六年功效大著農司諸公又慮播植之宜  
蠶繅之節未得其術於是徧求古今農家之書撫  
其切要纂成一書鏤為板本進呈將以頒布天下  
考元史稱世祖即位之初首詔天下崇本抑末於是  
頒農桑輯要之書於民即是書也書凡分典訓耕  
墾播種栽桑養蠶瓜菜果實竹木藥草孳畜十門  
魯明善農桑衣食撮要二卷

明善輝和爾

舊作農吾  
兒今改正

人父字魯遂以為氏名鐵柱

以字行延祐甲寅出監壽郡撰此書

臣等謹案是編循十二月令件繫條別蓋猶四民月令四時纂要諸書之遺意也

王禎農書二十二卷

禎字伯善東平人官豐城縣尹

臣等謹案是書凡農桑通訣六穀譜四農器圖十二每圖之末系以銘贊詩賦所載水器尤於實用有裨



明

周王櫛救荒本草二卷

櫛太祖第五子洪武十一年封十四年就藩開封建  
文中廢徙雲南永樂初復爵洪熙元年薨諡定

臣等謹案明史稱櫛好學能詞賦以國土坦衍庶  
草蕃廡考核其可佐饑饉者四百餘種繪圖上之  
即此書也

桂萼經世民事錄十二卷

萼見史類

臣等謹案是書乃萼為武康令時所編

王磐野菜譜一卷

磐字鴻漸高郵人

馬一龍農說一卷

一龍字員圖溧陽人嘉靖進士官至國子監司業

王世懋學圃雜疏一卷

世懋見史類

臣等謹案是編分花果蔬瓜豆竹六類各疏其品目及栽植之法大致以花為主而草木之類則從略

王象晉羣芳譜三十卷

象晉見雜品類

周文華汝南圃史十二卷

文華字含章蘇州人前有萬厯庚申陳元素序稱為光祿

臣等謹案是編分月令栽種花果木果水果木本  
花條刺花草本花竹木草蔬菜瓜豆十二門皆叙  
述栽種之法間以詩詞

王路花史左編二十七卷

路字仲遵嘉興人

臣等謹案是書皆載花之品目故實分類編輯前  
有陳繼儒序與路所作小引皆稱二十四卷考是  
編第二十五卷花之友二十七卷花之器皆題潭

雲宣猷馭雲子補二十二卷花麀題百花主人輯  
則此三卷乃後人所補入而刊書者併為一編耳  
又路小序稱此書為左編別有右編為花之辭翰  
約一十二卷蓋有其名而未成書者也

徐光啟農政全書六十卷

光啟見經類

臣等謹案是編摠括農家諸書裒為一集凡農本  
三卷田制二卷農事六卷水利九卷農器四卷樹

藝六卷蠶四卷蠶桑廣類二卷種植四卷牧養一卷製造一卷荒政十八卷別有陳子龍刪補本四十六卷子龍所作凡例稱刪者十之三補者十之二今祇有傳鈔之本要不及光啟原本之詳悉也熊三拔泰西水法六卷

三拔西洋人

臣等謹案是書成於神宗萬厯壬子皆記取水蓄水之法

鮑山野菜博錄四卷

山字元則號在齋婺源人嘗入黃山築室白龍潭上  
七年脩嘗野蔬諸味因次其品類別其性味詳其調  
製著為是編

吳彥匡花史十卷

彥匡爵里無考

沈氏農書一卷

題連川沈氏撰

臣等謹案是書成於崇禎末沈氏為湖州人故所

述皆吳中土宜云

古農家

宋

墨經一卷

題晁氏撰

臣等謹案何遠春渚紀聞云晁季一生平無他嗜

獨見墨喜動眉宇其所製銘曰晁季一寄寂軒造



者不減潘陳又稱其與賀方回張東道康為章皆  
精究和膠之法其製皆如犀壁此書中論膠云有  
上等煤而膠不如法墨亦不佳如得膠法雖次煤  
能成善墨與所言精究和膠法亦合疑為晁李一  
作也李一名貫之晁說之之兄弟行嘗為樞密院  
檢討官

硯譜一卷

不著撰人名氏

臣等謹案是編雜錄硯之出產與其故實

端溪硯譜一卷

不著撰人名氏末有淳熙十年東平榮芑跋曰右縉

雲葉樾交叔傳此譜

陳敬香譜四卷

敬字子中河南人

蔬食譜一卷

題清漳陳達叟撰達叟始末無考

臣等謹案左圭百川學海所刻其序自稱本心翁而書前標題乃作門人清漳友善書堂陳達叟編則達叟乃編其師之書非所自撰也

宋祁益部方物略記一卷

祁字子京雍邱人天聖進士官至翰林學士承旨諡

景文

臣等謹案是編乃祁知益州時所作

劉蒙劉氏菊譜一卷

蒙彭城人仕履無考

臣等謹案是書前有蒙自序稱崇寧甲申為龍門之游訪劉元孫所居相與訂論為此譜蓋徽宗時人

趙時庚金漳蘭譜三卷

時庚魏王廷美九世孫

陳仁玉菌譜一卷

仁玉字碧棲台州仙居人擢進士第開慶中官禮部

郎中浙東提刑入直敷文閣

臣等謹案是編脩載菌所生之地所採之時與其  
形狀色味凡十一種

史鑄百菊集譜六卷菊史補遺一卷

鑄字顏甫號愚齋山陰人

周必大唐昌玉筌辨證一卷

必大見史類

臣等謹案唐昌玉筌辨證已載入平園集中此乃

摘出別行之本

陸游天彭牡丹譜一卷

游字務觀山陰人始以蔭補官孝宗初召見賜進士

出身仕至寶章閣待制封渭南伯

王貴學蘭譜一卷

貴學字進叔臨江人

蘭易一卷附錄蘭易十二翼一卷 蘭史一卷

題鹿亭翁撰不著名氏

陳思海棠譜三卷

思臨安人理宗時書賈也

杜綰雲林石譜三卷

綰字季揚號雲林居士山陰人宰相衍之孫

元

陸友墨史二卷

友字友仁亦字宅之平江人

陳椿熬波圖

無卷數

椿天台人

日等謹案是書乃順帝元統中椿為下砂場鹽司因前提幹舊圖而補成者也自各團竈座至起運散鹽為圖四十有七圖各有說後繫以詩

忽思慧飲膳正要三卷

忽思慧官飲膳太醫元世祖時人

易牙遺意二卷

舊題韓奕撰奕字公望平江人生於元文宗時入明



遁跡不仕終於布衣

臣等謹案是編仿古食經之遺考與王賓王履  
齊名稱吳中三高士未必屑屑於此疑好事者所  
偽託也

賈銘飲食須知八卷

銘海寧人自號華山老人元時嘗官萬戶入明已百  
歲太祖召見問其平日頤養之法對曰要在慎飲食  
因以此書進賜讌禮部而還

臣等謹案是書所載皆物性之相反相忌者

饌史一卷

題元人撰不著名氏

白等謹案永樂大典所載有天府聚珍妙饌集一卷不著時代名氏謹附識

明

宣德鼎彝譜八卷

宣德中禮部尚書呂震等奉勅編次

沈繼孫墨法集要一卷

繼孫洪武時人自署其籍為姑蘇餘不可考

臣等謹案是編為圖二十有一圖各有說自浸油以至試墨叙次詳核具有條理

陸深古奇器錄一卷

深見史類

郭子章蟬衣生劒記一卷 蟬衣生馬記一卷

子章見經類

錢希言劔策二十七卷

希言見雜家類

胡文煥古器具名二卷附古器總說一卷

文煥見雜家類

分宜清玩譜一卷

不著撰人名氏

臣等謹案是編皆嚴嵩家藏弄書畫器玩之目

黃鶴槎居譜一卷

鶴字修翎宜興人嘉靖進士

江貞歙硯志三卷

貞字吉夫婺源人官紹興府教授

程君房程氏墨苑十二卷

君房歙縣人

方子魯方氏墨譜六卷

子魯字建元歙縣人

鍾嶽秀文苑四先生集四卷

嶽秀字泰華自署江左人

顧孟容冠譜一卷

孟容錢塘人

朱術均汝水巾譜一卷

術均字均馬自號汝水居士遼簡王植七世孫由輔  
國中尉改授鎮江府通判遷戶部主事

嚴澂蝶儿譜一卷

澂字道徹常熟人大學士訥次子由蔭生官邵武知

府

周嘉胄香乘二十八卷

嘉胄揚州人

毛晉香國三卷

晉見經類

鄧玉函奇器圖說三卷 王徵諸器圖說一卷

玉函西洋人徵涇陽人天啟進士官揚州府推官徵  
嘗詢西洋奇器之法於玉函玉函以其國所傳文字

口授之乃譯為是書

徐獻忠小品二卷

獻忠見史類

陸樹聲茶寮記一卷

樹聲見雜家類

田藝衡煮泉小品一卷

藝衡見經類

何彬然茶約一卷



彬然字文長一字寧野蘄州人

夏樹芳茶董二卷

樹芳見史類

屠本峻茗笈二卷 閩中海錯疏三卷

本峻見雜家類

萬邦寧茗史二卷

邦寧奉節人天啟進士

許次紓茶疏一卷

次紆字然明錢塘人

湯品

無卷數

不著撰人名氏

徐炬酒譜一卷

炬杭州人

馮時化酒史六卷

時化字應龍里籍無考

索宏道觴政一卷

宏道見雜家類

沈沈酒概四卷

沈自署震旦醴民困困父履曾無考

亳州牡丹志一卷

不著撰人名氏

臣等謹案黃虞稷千頃堂書目是編列朱統鐸牡丹

志後疑亦統鐸所作

薛鳳翔牡丹史四卷

鳳翔字公儀亳州人由例貢仕至鴻臚寺少卿

張志淳永昌二芳記三卷

志淳見雜家類

臣等謹案是編以永昌所產山茶杜鵑二花為一

譜

楊端瓊花譜一卷

端字惟正鄞縣人家居揚州

王思義香雪林集二十六卷

思義見史類

臣等謹案是編凡梅圖二卷詩詞文賦二十二卷  
圖譜二卷

楊德周澹圃芋紀一卷

德周見小說家類

臣等謹案是編為德周所撰而趙士駿復增定之  
士駿字西星鄞縣人與德周同里

張謙德瓶花譜一卷

謙德崑山人

釋真一筍梅譜二卷

真一居江南法華山龍歸塢其地多筍梅花亦極盛

因各為作譜

鄧慶霖支通譜十六卷

慶霖字道協福州人

陳詩教花裏活三卷

詩教字四可秀水人

臣等謹案是編輯古來花卉故實書名蓋取張翥詩蛺蝶一生花裏活之意然殊不雅馴

楊慎異魚圖贊四卷

慎見經類

臣等謹案是編凡魚圖三卷贊十六首海錯一卷贊三十首詞頗古雋

袁達禽蟲述一卷

達字德修閩縣人正德舉人官貴溪縣知縣後為湖

廣都司經歷

陳繼儒虎薈六卷

繼儒見史類

沈宏正蟲天志十卷

宏正嘉定人

臣等謹案是書集鳥獸蟲魚異事分為六部

林有麟素園石譜四卷

有麟字仁甫華亭人太僕寺卿景暘子由蔭生官龍



安府知府

郁濬石品二卷

濬字開之松江人

右譜錄

欽定續文獻通考卷一百八十一

欽定四庫全書

欽定續文獻通考卷一百八十二

經籍考

子

天文  
占筮

推算  
形法

五行

臣等謹案劉歆七畧班固藝文志皆著陰陽家然  
班志所載二十一家之書無一存者隋書遂不立  
陰陽門故馬考稱隋唐已不能知其名義無由以  
後來所著之書續立此門也今仍分天文推算五

行占筮形法五門以符馬氏之例

宋藝文志天文類一百三十九部五百三十一卷

遼金元三史不立藝文志散見各紀傳中

明史藝文志天文類五十部二百六十三卷

宋

王應麟六經天文編二卷

應麟見經類

臣等謹案是編裒六經之言天文者以易書詩所

載為上卷周禮禮記春秋所載為下卷

金

天文主管一卷

題明昌元年司天臺少監武亢校正

臣等謹案亢為哀宗時人不應章宗時已為司天  
少監疑其出於託名故時代舛錯也

元

趙友欽革象新書五卷

友欽字敬夫饒州德興人宋之宗室

岳遐載天文精義賦四卷

遐載官太史院管勾里貫無攷

李克家戎事類占二十一卷

克家字肖翁南昌富州人官遼陽儒學提舉

天文祕畧

無卷數

題新安胡氏撰不著名字

明

劉基清類天文分野之書二十四卷

基見史類

王禕刪定革象新書二卷

禕見史類

天元玉厯祥異賦

無卷數

洪熙中官撰前有仁宗自製序

戈永齡太陽太陰通軌

無卷數

永齡宛平人官欽天監保章正

韓萬鍾象緯彙編二卷

萬鍾蘄州人

魏濬緯譚一卷

濬見經類

柯仲炯宣夜經

無卷數

仲炯里貫無攷

趙宦光九圖史圖一卷附六旬曼一卷

宦光見經類



許胥臣蓋載圖憲一卷

胥臣見經類

李之藻渾蓋通憲圖說二卷 圖容較義一卷

之藻見史類

梅文鼎訂補渾蓋通憲圖說畧曰渾蓋之器以蓋天之法代渾天之用其志見於元史札瑪里鼎所用儀器中竊疑為周髀遺術流入西方然本書黃道分星之法尚缺其半故此器甚少蓋無從得其

制也茲為完其所缺正其所誤可以依法成造  
之藻自序圖容較義畧曰凡厥有形惟圜為大有  
形所受惟圜至多渾圜之體難名而平面之形易  
析試取同周一形以相參考等邊之形必鉅於不  
等邊之形多邊之形必鉅於少邊之形最多邊者  
圜也最等邊者亦圜也析之則分秒不億是知多  
邊聯之則圭角全無是知等邊不多邊等邊則必  
不成圜惟多邊等邊故圜容最鉅昔經利公

按即西洋

人利瑪竇研窮天體因論圖名拈出一義次為五界十

八題借平面以推立圜設角形以徵渾體

徐光啟測量法義一卷 測量異同一卷 勾股義一卷

光啟見經類

利瑪竇乾坤體義二卷

瑪竇西洋人

臣等謹案利瑪竇于明神宗時航海至廣東是為

西法入中國之始

熊三拔表度說一卷 簡平儀說一卷

三拔西洋人

陽瑪諾天問畧一卷

瑪諾西洋人

王英明歷體畧三卷

英明字子晦開州人萬歷舉人

臣等謹案是書所論皆天文之梗概未及於測量

推步之法

象緯全書

無卷數

不著撰人名氏

劉孔昭星占三卷

孔昭基之十三世孫天啟三年龔封誠意伯

柯洽天文書

無卷數

洽字九疑天台人

靈臺秘苑一百二十卷

不著撰人名氏

臣等謹案是書徵引故實迄於元末蓋明人所編輯而襲庾季才之書名者也

註解祥異賦七卷

不著撰人名氏

天漢全占二卷

不著撰人名氏

臣等謹按是書上卷為步天歌下卷為天漢經各

繪圖於上而載其說及禡占於下

海上占候一卷

不著撰人名氏

軍占雜事一卷

不著撰人名氏

占候書十卷

不著撰人名氏

天文諸占一卷

不著撰人名氏

右天文

宋史藝文志歷算類一百六十五部五百八十九卷  
遼金元三史不立藝文志散見各紀傳中

明史藝文志歷算類一百三十一部二百九十一卷

宋

秦九韶數學九章十八卷

九韶始末無攷惟卷首自序稱其籍曰魯郡其時為



淳祐七年魯郡已久入於元蓋署其祖貫也

元

李治測圓海鏡十二卷 益古演段二卷

冶字鏡齋樂城人金末登進士入元官翰林學士

明

貝琳七政推步

無卷數

琳官南京欽天監監副里貫無攷

朱載堉聖壽萬年歷八卷附律歷融通四卷

載堦見經類

鮑泰天心復要三卷

泰徽州人

顧應祥測圖海鏡分類擇術十卷 弧矢算術一卷

應祥見史類

邢雲路古今律歷考七十二卷 戊申立春考證一卷

雲路字士登安肅人萬歷進士官至陝西按察司副

使

臣等謹按是書詳於推算而畧於律法七十二卷  
中言律者不過六卷

李之藻同文算指前編二卷通編八卷  
之藻見史類

徐光啟等修新法算書一百卷

光啟見經類

利瑪竇譯歐几里得幾何原本六卷

臣等謹案此西洋人歐几里得所撰利瑪竇口譯

而徐光啟筆受之書

林祖述星歷釋義二卷

祖述字道卿鄞縣人萬歷進士官至廣西提學僉事

朱仲福折衷歷法十三卷

仲福靈壽人

類編歷法通書大全三十卷

不著編輯者名氏

右推算

宋史藝文志五行家八百五十三部二千四百二十卷  
遼金元三史不立藝文志散見各紀傳中

明史藝文志五行家一百四部八百六十一卷

宋

宋仁宗洪範政鑒十二卷

前有仁宗自製序

臣等謹按王應麟玉海稱康定元年十一月丙辰  
內出御製洪範政鑒十二卷示輔臣即此本也

徐子平徐氏珞子賦注二卷

子平事蹟無攷

臣等謹按珞子原書見馬攷

釋曇瑩珞子三命消息賦注二卷

曇瑩號蘿月嘉興人

臣等謹按曇瑩以談易名一時故是編往往以命理附合易理

三命指迷賦注

舊題岳珂補注

臣等謹按是編疑出術家所依託然書頗可採

五星要錄

無卷數

不著撰人名氏

臣等謹案是書中多載喬行簡真德秀等命蓋南

宋人所輯也

康節內秘影一卷

舊題邵子撰

臣等謹案是書以八卦之數定人貧富貴賤後有  
總論一篇雜引古今事而有張南軒北門視草云  
云當是南宋人所作也

河洛真數二卷

舊題陳搏撰搏字圖南事具宋史隱逸傳

臣等謹按是書蓋術士偽托之書其說以易之卦  
文配合人生年月日以定休咎

邵子加一倍法一卷



不著撰人名氏

臣等謹按是書以六十甲子積數以下貴賤吉凶考程子謂邵子數學祇是加一倍法非謂占祿命也書名蓋假其語以附會于邵子耳

柴望丙丁龜鑑五卷續錄二卷

望字仲山江山人官至國史編校宋亡不仕而終

臣等謹按續錄二卷一為元人所撰一為明人所續記

遼

星命總括三卷

舊題耶律純撰

臣等謹按遼史列傳無純名其原序所稱統和二  
年奉使高麗議地界事亦不見於遼史殆依託也

元

太乙統宗寶鑑二十卷

題曉山老人撰不著名氏前有大德七年自序

李欽夫子平三命淵源注一卷

欽夫字仁敬號五羊道人

臣等謹按此外有寸金易鑑題西蜀易鏡先生撰  
不著姓名舊以元李欽夫子平三命淵源注附于  
後又永樂大典載九宮八卦遁法秘書二卷成數  
大定一卷皆不著撰人名氏當是元以前書謹附  
識于此

明

佐元直指圖解十卷

舊題劉基撰江之棟輯汪元標訂

臣等謹按世有佐元直指賦一篇傳為基所著天啟丁卯之棟因演為圖式而纂注之元標則為刊刻以行者也

演禽圖訣

無卷數

舊題劉基撰

臣等謹按明史藝文志不載是書殆出于依託也

肘後神經大全三卷

舊題涵虛子臞仙撰

臣等謹按臞仙為寧王權自號權所著肘後神樞二卷運化元樞一卷見明史藝文志是編卷帙與史志不合疑為後人增益非原本也

王巽適甲吉方直指一卷

巽自號秦臺子蘭陽人官欽天監五官司歷

李淑通五行類事占徵驗九卷

淑通河南人自序稱賜進士前詹事府通事舍人

張賁通五行類事占徵驗六卷

賁通里貫無考

萬民英星學大成十卷 三命通會十二卷

民英字育吾大寧都司人嘉靖進士歷官河南道監察御史出為福建布政司右叅議

樓楷通書捷徑

無卷數

楷號南沙鄞縣人

趙迎範圍數

無卷數

迎翠縣人嘉靖進士官南京工部主事

黃一鳳選擇集要六卷

一鳳字時鳴峽江人萬歷進士

錢春五行類應九卷

春見史類

胡獻忠大統皇歷經世三卷

獻忠自號六六道人婺源人

郭仰廉奇門說要一卷

仰廉里貫無考

程道生適甲演義二卷

道生字可生海寧人

池本理禽星易見一卷

本理贛州人

臣等謹按禽星易見明史藝文志作四卷此本僅作一卷蓋傳抄者所合并也



汪三益叅籌秘書十卷

三益字漢謀貴溪道士

臣等謹按是編采禽遁奇門諸書裒合成編

呂氏摘金歌

無卷數

舊題呂氏撰不著其名

演禽通纂二卷

不著撰人名氏

太乙成書八卷

不著撰人名氏

黃帝演禽七元三傳心法一卷

不著撰人名氏

七元六甲天書一卷

不著撰人名氏

奇門要略一卷

不著撰人名氏

太乙遁甲專征賦一卷

不著撰人名氏

臣等謹案焦竑經籍志有明員卓遁甲專征賦其名  
與此相合疑即卓書

將門秘法陰符經三卷

不著撰人名氏

五曜源流二卷

不著撰人名氏

五星考三卷

不著撰人名氏

星平會海十卷

不著撰人名氏

右五行

宋史藝文志著龜類三十五部一百卷

遼金元三史不立藝文志散見各列傳中

明史藝文志併入五行類

宋

劉啟明六壬軍帳賦一卷

啟明河南人始末無攷

徐道符六壬心鏡要三卷後集一卷

道符自號無欲子始末無攷

凌福之六壬畢法賦一卷

福之履貫無攷

景齊神機相字法一卷

齊始末無攷

元

吳正皇極大定動數得一論一卷

正字太初里貫無攷

李道純周易尚占三卷

道純字元素號清庵又號瑩蟾子都梁人

陸森玉靈聚義五卷

森字茂林平江路人官陰陽教諭

邵居敬龜鑑易影皇極數一卷

居敬無攷

六壬五變中黃經二卷

不著撰人名氏

六壬開雲觀月經一卷

不著撰人名氏

大六壬無惑鈴一卷

不著撰人名氏

六壬行軍指南一卷

不著撰人名氏

奇門遁甲賦一卷

不著撰人名氏

六壬兵占二卷

不著編輯者名氏

皇極數三卷

不著撰人名氏

皇極生成鬼經數一卷



不著撰人名氏

九天元妙課一卷

不著撰人名氏

明

韓邦奇易占經緯四卷

邦奇見經類

盧翰蘄易一卷

翰見經類

喻有功周易懸鏡十卷

有功字若無又字混初高安人

喬中和大易通變六卷

中和見經類

易數總斷

無卷數

題新安和玉山人程汝文撰

六壬大全十二卷

不著撰人名氏題懷慶府推官郭載騄校

童軒紀夢要覽三卷

軒字士昂鄱陽人景泰進士官至吏部尚書

張鳳翼占夢類考十二卷

鳳翼字伯起長洲人嘉靖舉人

陳士元夢林元解三十四卷

士元見經類

臣等謹按是編為何棟如重輯棟如見史類

右占筮

宋

賴文俊催官篇二卷

文俊字太素處州人嘗官于建陽好相地之術棄職浪遊自號布衣子

蔡元定發微論一卷

元定字季通建陽人游朱子之門慶元中偽學禁起坐黨籍竄道州卒于謫所後韓侂冑敗追贈迪功郎賜謚文節事迹具宋史儒林傳

廖瑀九星穴法四卷

瑀字伯玉寧都人十五通五經人稱廖五經建炎中以茂異薦下第卜居金精山自稱金精山人

天玉經外傳一卷 四十八局圖一卷

舊題吳克誠撰其子景鸞續成之克誠德興人嘗從學于陳搏景鸞字仲翔慶厯中官司天監正

臣等謹案是書似是明人贗作其四十八局附以經驗各圖如朱國祚黃洪憲之屬皆明神宗時人

偽託之迹顯然矣

金

張行簡人倫大統賦一卷

行簡字敬甫莒州日照人禮部侍郎暉之子大定進士累官禮部尚書翰林學士承旨太子太傅贈銀青

榮祿大夫謚文正

元

玉尺經四卷

舊題劉秉忠撰明劉基注秉忠初名侃字仲晦邢州人少補邢臺節度府令史旋棄去隱武安山中從浮屠法更名子聰世祖在藩邸僧海雲邀與入見大悅之留贊大計人稱聰書記及世祖即位始創議建國號規模制作皆所草定至元元年拜光祿大夫太保叅預中書省事賜今名十一年卒贈太傅趙國公諡文貞改謚文正追封常山王

臣等謹案是書晚出蓋依託也

明

披肝露膽經一卷

舊題劉基撰

臣等謹案是書語頗淺陋殆嫁名于基者

袁忠徹古今識鑒四卷

忠徹鄞縣人父珙字庭玉號柳莊精于相法嘗決成  
祖當有天下及即位擢太常寺丞忠徹傳其父術仕  
至尚寶少卿事迹見明史方技傳



李國木地理大全一集三十卷二集二十五卷

國木字喬伯漢陽人

羅珏地理總括三卷

珏字世美鄱陽人

徐之鏌羅經頂門針二卷

之鏌建陽人萬厯中諸生

黃慎堪輿類纂人天共寶十二卷

慎字仲修海陽人

沈昇羅經消納正宗二卷

昇履貫無攷

寸金穴法二卷

不著撰人名氏

右形法

欽定續文獻通考卷一百八十二